

SIÐAREGLUR

kjörinna fulltrúa hjá Hveragerðisbæ.

1. gr.

Markmið siðareglanna

Markmið þessara reglna, er að skilgreina það háttarni sem ætlast er til að kjörnir fulltrúar sýni af sér við störf sín fyrir hönd Hveragerðisbæjar. Með kjörnum fulltrúum er átt við bæjarfulltrúa sem og alla aðra sem kjörnir eru til setu í nefndum og ráðum Hveragerðisbæjar.

2. gr.

Starfsskyldur kjörinna fulltrúa

Kjörnum fulltrúum ber að gegna störfum sínum af alúð og samviskusemi, fyrir opnum tjöldum, vera reiðubúnir að axla ábyrgð á ákvörðunum sínum og gæta hagsmuna Hveragerðisbæjar í hvívetna. Í störfum sínum eru kjörnir fulltrúar bundnir af lögum og reglum og samþykktum og reglum Hveragerðisbæjar, sem og sannfæringu sinni.

Kjörnir fulltrúar hafa ávallt í heiðri grundvallarreglur góðrar stjórnsýslu í störfum sínum, þ.m.t. gagnsæja og upplýsta ákvarðanatöku, og framkvæma ekkert það sem er til þess fallið að vekja grunsemdir um að annað en lögmæt málefnaleg sjónarmið ráði för við stjórn Hveragerðisbæjar.

Kjörnir fulltrúar gæta þagnarskyldu um það sem þeir fá vitnesku um í starfi sínu og leynt á að fara vegna einkahagsmuna eða almannahagsmuna samkvæmt lögum eða eðli máls. Trúnaðurinn helst áfram eftir að látið er af störfum.

Kjörnum fulltrúum ber að gæta þess að framkoma þeirra og athafnir samrýmist því hlutverki sem þeir gegna og forðast að hafast nokkuð það að, sem er þeim til vanvirðu eða álitshnekkis eða varpað getur rýrð á það starf eða starfsgrein er þeir vinna við. Þeir skulu sýna trúnað í samskiptum sínum við íbúa sveitarfélagsins, starfsmenn bæjarfélagsins og aðra þá aðila sem eiga samskipti við stofnanir Hveragerðisbæjar.

3. gr.

Valdmörk

Í störfum sínum ber kjörnum fulltrúum að virða ákvörðunarvald, réttindi og verkaskiptingu annarra kjörinna fulltrúa og starfsmanna bæjarfélagsins og fara ekki út fyrir umboð sitt í störfum sínum. Þeir sýna störfum og réttindum annarra kjörinna fulltrúa og starfsmanna Hveragerðisbæjar virðingu.

4. gr.

Hagsmunaárekstrar

Kjörnir fulltrúar forðast hagsmunaárekstra í störfum sínum og vekja athygli á því ef hætta er á slíkum árekstrum. Á þetta einnig við ef þær breytingar verða á högum kjörins fulltrúa sem valdið gætu slíkum hagsmunaárekstrum.

Um mat á hæfi við afgreiðslu einstakra mála og málsmeðferð í því sambandi fer eftir hæfisreglum samþykktu um stjórn Hveragerðisbæjar.

Kjörnir fulltrúar nýta sér ekki stöðu sína í þágu einkahagsmuna sinna eða annarra sem eru þeim tengdir, hvort sem ávinningur af slíku kemur fram strax eða síðar, þ.m.t. eftir að störfum fyrir Hveragerðisbæ lýkur.



5. gr.

Gjafir og fríðindi

Kjörnir fulltrúar þiggja ekki gjafir, fríðindi eða önnur hlunnindi frá viðskiptamönnum eða þeim, er leita eftir þjónustu Hveragerðisbæjar eða þjónustu við bæjarfélagið nema að um sé að ræða óverulegar gjafir.

Kjörnir fulltrúar þiggja ekki gjafir eða hlunnindi ef líta má á það sem endurgreiðslu fyrir greiða eða sérstaka þjónustu sem tengist hlutverki þeirra fyrir bæjarfélagið.

6. gr.

Ábyrgð í fjármálum

Kjörnum fulltrúum ber að virða fjárhagsáætlun og grundvallarreglur um fjármálastjórn sem tryggja réttmæta og ábyrga meðferð á almannafé. Við störf sín skulu kjörnir fulltrúar ekki aðhafast neitt sem getur falið í sér misnotkun á almannafé.

7. gr.

Stöðuveitingar

Kjörnum fulltrúum ber að gæta þess að við stöðuveitingar hjá Hveragerðisbæ sé í hvívetna fylgt lögum og reglum og að einungis málefnalegar forsendur liggi að baki vali á starfsmönnum.

8. gr.

Bann við að tryggja sér stöður

Kjörnir fulltrúar skulu ekki í störfum sínum leita eftir starfslegum ávinningi í framtíðinni, til dæmis með því að ívilna fyrirtæki eða stofnun sem þeir hafa eftirlit með eða hafa stofnað til samningssambands við fyrir hönd sveitarfélagsins, með athöfnum eða athafnaleysi, þannig að fari í bága við hagsmuni þess.

9. gr.

Miðlun siðareglna til kjörinna fulltrúa og almennings

Kjörnum fulltrúum ber að tileinka sér þessar siðareglur og lýsa því yfir að þeir séu reiðubúnir til að hafa þessar siðareglur að leiðarljósi.

Siðareglur þessar skulu teknar til umræðu í bærarstjórn í upphafi hvers kjörtímabils og endurskoðaðar ef þörf þykir. Kjörnir fulltrúar skulu við upphaf hvers kjörtímabils undirrita yfirlýsingu um að þeir hafi kynnt sér og virði reglur og samþykktir bærarstjórnar.

Siðareglurnar skulu vera aðgengilegar starfsfólki sveitarfélagsins, almenningi og fjölmiðlum á heimasíðu sveitarfélagsins eða annan þann hátt sem bærarstjórn ákveður, til að þessir aðilar geti gert sér grein fyrir innihaldi þeirra.

Samþykkt á fundi bærarstjórnar Hveragerðisbæjar þann 13. júní 2013.



3.9.2013

Heimann